



partii naleraq

UPA 2016/112-01

08.04.2016

Ilinniarfinni aamma ilinniagaqartut ineqarfiini aangajaarniutininik atuisoqartarnersoq pillugu misissuisoqartarnissaa pillugu Inatsisartut inatsisaat nr. xx, xx 2016-imeersoq.

linniarfinni aamma ilinniagaqartut ineqarfiini aangajaarniutininik atuisoqartarnersoq pillugu misissuisoqartarnissaa pillugu Inatsisartut inatsisissaattut siunnersuut Partii Naleqqamiit imannak oqaaseqarfigissuarput:

Aallarniutigalugu erseqqissassavarput aangajaarniutininik ikiaroonartumillu atuineq akuersaanngilluinnaratsigu.

Taamaattumik ukioq ilinniartut akornanni ikiaroonartumik ajornartorsiuteqartoqartarnera pillugu oqallinnerup kingunerisaanik Naalakkersuisut inatsisissatut siunnersuummik saqqummiussaqaqarnerat assut iluaraarput.

Tassami naluneqanngereerpoq, ikiaroonartooq aangajaarniutinillu atuisarnerit inuup timikkut anersaakkullu peqqissusaanut akornuseerujussuarsinnaasut.

Ilinniagaqartut taakkualu avatangiisiisa isumannaatsuunissaat inatsisiliornikkut siunertarineqarmat paasinartorujussuuvoq, taamaattumik ilinniartut aangajaarniutininik ikiaroonartumilluunniit atuisuunngitsut illersorneqarnissaat inatsisissatut siunnersuummi uani qulakkeerneqassappat, isumaqarpugut, aangajaarniutininik ikiaroonartumillu ilinniarfinni ilinniartullu najngaqarfiini atuineq inerteqqutaassasoq inatsisissatut siunnersuummi § 1-mi ilanngullugu allanneqartariaqartoq.

Nalunngilarput ikiaroonartooq pillugu inatsit naapertorlugu ikiaroonartooq nunatsinni inerteqqutaareertoq, taamaakkaluartoq isumaqarpugut, nunatsinni ikiaroonartup taama annertugisumik ajornartorsiutaanera nalunngereerlugu, inatsisissatut siunnersuummi uani erseqqissarneqartariaqartoq, ilumut pingaartumik ilinniarfinni ilinniartullu inaanni ikiaroonartumik aangajaarniutinillu atuineq inerteqqutaalluinnartoq.

Isumaqarpugut inatsisiliortuniit taama nalunaarneq ilinniartinnut ilinniartunullu inuiaqatigiit sinnerlugit ilinniartut ajunnginnerpaamik angusaqartarnissaannik kissaateqarnermik imaqqartoq.

Siunnersuut tunngaviatigut isumaqatingaarput, kisianni aamma inuiaqatigiinnut, minnerunngitsumillu ilinniartunut pitsaasumik sunniuteqassappat, inatsisissatut siunnersuutip piviusorsioortumik atuutsinneqarsinnaanera eqqaamassariaqqartoq.

Tassami siunnersuutip uuma tusarniuteqarneraniluunniit, ulluinnarni ikiaroorartumik aanngajaarniutinillu atuisarnerit pillugit sulianik qaninnerpaamik suliaqartut, tassa politimester-eqarfik tusarniaaffigineqarsimanngimmalluunniit.

Taamaammatt piviusorsioortumik eqqarsassangutta, Naalakkersuisut makkuninnga aperisariaqqarput:

1. Inatsisissatut siunnersuummi ulluinnarni kikkut suliamik ingerlatsisussaansut ?
2. Misissuisitsisarnissani misiligutsissat kikkut ingerlatissuaat ?
3. Qaqugu ilinniartut misiligutissamik tigusiffigineqartassanerat nalilerneqartassua ?
4. Peqqinnissaqqarfik qanoq suleqatigineqassua ? tamatumani piareersaasioortoqqareerpaa ?
5. Siunnersuut 1. August 2016-imi atuutilissasoq siunnersuutigineqarpoq, taassuma tungaanut piareersaatit suuppat ? aamma qanoq ingerlanneqqarpat ?
6. Ilinniartoq akiliisinneqassappat, akiligassiissut kikkut suliarissuaat ?

Kaammattuutigissuarput, ilinniarnep aallartinnerani ilinniartut tamarmik erseqqissaavigineqarlutillu ilisimatinneqartassasut, ikiaroorartumik aanngajaarniutinillu atuinerit tamarmik inerteqqutaalluinnarmata.

Aamma isumaqarpugut inatsisissatut siunnersuutip qulequtaani aanngajaarniutinik atuisarneq kisiat pinnagu, toqqaannartumik ikiaroorartumik atuinnginnissaq erseqqissarneqartariaqqartoq.

Nalunngilarput inatsisiliornermi inatsisinut atuutereersunut akerliunngitsumik inatsisiliornissaq mianersuunneqartartoq, taamaattumik uani aamma pingaartumik inatsisini tunngaviusuni inuit kikkulluunniit kiffaanngissuseqarnerat, inuttut pisinnaatitaaffeqarnerisa, minnerunngitsumillu inigisap innarlerneqannginnissaa eqqaamasariaqqarmata.

Naggataatigut Naalakkersuisut aperisariaqqarput – uagummi inatsisartuni ilaasortat Naalakkersuisullu qaqugu quisinneqatalissangatta, taamami anguniagaqarneq aamma naalakkersuisooqatigiinnissamut isumaqatigiissummi allaqqareemat ?

Taama oqaaseqarlunga suliap aappassanneerpeqannginnerani inatsisinut ataatsimiititaliami suliarineqarnissaa inassutingaarput.